

ARA MAXIMA  
VATICANA. 74  
A SUMMO PONTIFICE  
VRBANO VIII.  
Magnificentissimè instructa.



BIBLIOTECA NAZ.  
ROMA  
VITTORIO EMANUELE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

THE BIBLE

# VRBANO VIII. PONT. MAX.

*Lalius Guidiccionus F.*



XCITASTI Aram (Beatissime Pater) quæ tibi excitet immortalitatem. Aram enim appello superinductum Aræ Thalamum, solidumq. ornatum ab integro constitutum, toti rei splendorem, & nomina conferentem. Cœlestem Aram in terras euocasse te dicerem, nam & Cœlum mortalibus impertis; sed hic ambigo, Aramne dicam, an integram Aedem Apostolorum, an Pietatis Sacellum, ipsius Cœli Aerarium, Conditorium Aeternitatis. Meritò stat omnium Maximà per te, super quam ipse omnium Maximus primùm sedisti. Meritò & posteritas vsurpabit de te Virgilianum illud:

*Hæc Aram Templo statuit, quæ Maxima sæper  
Dicetur nobis, & erit quæ Maxima semper.*

Neque id ociosè suppeditat tanti vatis octauus liber, ut aptius congruere videatur Tibi, Urbaniſſimorum Pontificum Octauo, firmissima construenti. Hic enim numerus absolutæ inter cœteros soliditatis est; Ideòque, licet ab Adam sit decimus Noe, illum Octauum dicit Apostolorum Princeps, nempe solidum seruati generis propagatorem; Ipsamq. generis propagationem ad octo capita redactam, sua firmitate consistere voluit Deus. Ut ne commemorem ex S. Ambrosio, Octauam, summam esse virtutum, & pro Octaua multos inscribi Psalmos; Nam & Beatitudo, totidem se gradibus includi passa est. Cœterum, Beatissime Pater, Apes tuæ; non ut vulgares aliæ, metallis crepitantibus consopitæ; mellificant; adfufurrant; ingenia suscitant & sopita. Falsò Vetustas increpuit ære Matrem Deorum; Patrem te, & Pastorem hominum

*Vetustil adagium: Omnia cōto. Sed immemora sūt huius numeri Sacramenta. De quibus videre est Petr. Bunnghum, in eodem Numero.*

nostra ætas non mentitur . Quid fabula de immortalī Ioue clām-  
edito inter eiusmodi strepitus ? Verè nunc , & palām , Vaticana ,  
Aedes diu parturiens , inter metallorum agitationem edidit par-  
tum nonnisi æternum . Ego verò non expergiscar tali sonitu , vt  
fruar tanto spectaculo ? Nulli Pontificum recentiorum ista rei mo-  
les , & imago animo præsumpta est ; Non Gregorio , & magnis re-  
trò decessoribus , quorum diuersa erupit aliò munificentia ; non  
Xysto , qui propter id ipsum , Testudinem maturauit , Coronidem  
clausit ; non Clementi , qui statuendæ Aræ studiosissimus , illam sol-  
licitè ambijt ; nec demùm Paulo , qui ambitus auctor immensis , Tem-  
plo addidit propemodùm noua Templā ; Singulis tamen expedien-  
da res , quippe necessaria cumprimis , obuersabatur . Quorsum  
enim deturbatio veteris Templi , & religiōssimi quidem ? Quo-  
sum noui substructio , nisi propter Aram ? Ipsum omnium augustis-  
simum , vt afflueret omnibus , principe hætenus ornamento , & ab-  
solutione carebat . Nam quid est Cælum sine Sole , sine corde  
corpus ? quid inter minuta annulus sine gemma ? Rem itaque cun-  
ctis aggrediendam ex necessitate , nemo est aggressus ex magnitu-  
dine ; Et difficultas agendi , necessitatem attulit non agendi . Tu ,  
magno quo es animo ; aggredieris , exitu maiore perducis : Cœte-  
ra quidem laudandus , sed & vrgendi celeritas , an pernicitas con-  
ficiendi , operi pretium auget . Auget verò & temporis iniqua con-  
ditio , inter tot impendia , & calamitates ; & inde æquissima eiusdem  
temporis ratio , qua præcipuum hoc tibi impendium feceris in-  
gruente calamitate , vt magnificè excoleres calamitatis publicæ De-  
pulsores . Ausum ergò tot laudibus , tot nominibus opus , sed se-  
ripso perquàm augustum , stat paulò plus biennio peractum abs te ,  
sæculo amplius , à plerisque multiplici modo , & forma delineatum ,  
effictum : excogitatum à nemine . Nunc , excitatis gaudio vniuer-  
sis , quando vel exteri à Fide , in Ro. cultus venerationem se allici  
sentiant necesse est ; quantopere gaudendum est Christiano homi-  
ni , & in Clerum adscripto , & tuæ iam pridem addictissimi Sancti-  
tati , quòd tantam Christianæ magnificentiae factam accessionem  
videat : quòd in honorem sacræ militiæ Principum : quòd factam  
abs te , de cuius gloria præter cœteros triumphet , & gaudeat ? Rem  
tot annos insperatam , idcirco miramur minus , quia habemus au-  
ctorem : idcirco credimus fieri potuisse , quia factam videmus . In-  
frà annos totidem , & deinceps , videbit sanè posteritas nec incre-  
dula ;

dula; sed summota auctoris, facilitatisq. præsentia, admiratio inualeſcet. Si inter monumenta veterum, tale aliquid emerſiſſet, ſtare etiamnum; aut, ſi Barbarorum furor Temporis iniurias anteuertere, horum iniurias, illorum obliuionem, Scriptorum ingenia præuertiffent. Meminit nonnulla quidem aliquis, ſed talia creſta teſtatur nullus. Nunc, relinquitur ne ambigendi, quâ datur aſpiciendi locus? Aut vlla tentabit obliuio Machinam obliuionis expugnatricem? Signum Herculis æneum ſeruatur in Capitolio, ſatis nobile oſtentum antiqui laboris. Ibidem ex ære Statuam Marci Imperatoris equeſtrem ſuſpicimus; Et in Foro Equum Domitiani uſque adeo ſuſpexit antiquitas, ut illum ſibi fluxiſſe de Cœlo, cuiusque conformatione fatigatos Cyclopes vulgauerit fabuloſa. Vidimus æneas Templorum contignationes: Poſtes videmus, & pleraque notæ minoris ſigna. Audimus & in eximio, ac fluentiſſimo Latinorum, æs riuis fluens; ſed in quod opus? Scilicet ad Clypei fatalis fabricationem. Nam liminum gradus ex ære, Trabes, & fores Templi Carthaginienſis, ex illo audio; verum, an ipſa Carthago in ſe viderit, neſcio. Neſcio, an viderit Corynthus, ſolo ære tam nobilis. Videt nunc Roma per te ingentem molem, ſiue ingentium triginta molium congeriem (nam toties iſthæc in immanium ſcopulorum ſpeciem metalla conflata ſunt) tam aptè coeuntem, ut facili enata ſolo videatur; tam nulla opificis laſſitudine, ut annorum iuuenis trium, & triginta, alieni opificij cultor, qua eſt mo-deſtia, quibus animis, nihil hoc peregrino opere confe-ciſſe ſe velit; tanta elegantia, ut varietas ſatietatem diſpungat, pulchritudo ſuperet amplitudinem; tanta demum magnificentia, ut ipſi veteri Capitolio potuerit eſſe miranda, & ipſi Columnarum poſitori Herculi; licet iſ fuerit, qualem vetuſtas finxiſſe ſibi videri voluit, publico bono nonniſi maxima perpetrantem. At tu, Magnanime Pontifex, qui multiplicem ſplendori, ac virtutibus ceterorum præſcribis metam, tuis verò nullam: ſi non aureis Cœlum Clauibus reſerares, ærea Cœlum machina poteras oppugnare. Quid dicam maius? Nonne parem geminorum Principum meritis animum attuliſti? Nonne viam reliquis claudis, quam aperueris ſoli tibi? Spatium id ingens eſt: tu ingentior, ſolus impleſ. Dùm enim id confe-ciſti, quod cogitauit nemo, ſpes relinquitur nemini, confe-ciendi quod tu feciſti. Exemplum igitur exhibes, facultatem ad imis imitandi; Neque tuum modo eſt ipſum opus, ſed ipſe quodammodo Artifex opus eſt

tuum.

tuum . Cui vel nouos animos indidisti, vel ex integro talem condidisti, qualis nec futurus sperabatur . Et quid mirum, Artificem obtemperasse monenti, ac singula disponenti tibi, qui vel iussu metalli potueris animare? Ergo, vniuersis mirantibus, hæreo ipse, animati Aeris inspector penè marmoreus. Si stupor afflatus fuisset, mira fortasse vaticinabar . Cecini tamen nescio quid; exarui, & ad Aram statuo . Tu, potestatis Diuinæ in terris magna portio, supremum Maiestatis humanæ fastigium; maximum idem virtutis, & gloriæ Simulacrum es meum . Quantus es, quantulus ego sum, tibi mea sisto, & voueo . Votiuam hanc appendo Tabellam; id oro, ne excidat . Vt nunquam merita intercident tam præcelsa, obsequia tam demissa, sic, vtramq. immortalitate obsignari memoriam, precor sit iusta precatio . Potuit doctior vnusquisque componere meliora, sed animo certè meliore non potuit . Singulis concedam ingenio; at religione ergà Beatissimi P E T R I Aedem, ac Sedem, nemo mortalium id me velit . Quicquid est mei operis, Beatissime Pater, aut dignum tuis manibus, contrectabis: aut indignum, non detrectabis pedibus aduolutum . Ibi se effundet in oscula, effundi minus doctum in carmina . Vellem quidem, se ipso viueret; sed viuet tamen ex te, ex gloria tui nominis, ex immortalitate operis tui. Te bonorum omnium Largitor, omnium bono diutissimè seruet DEVS.

Romæ Kal. Aug. 1633.

Qui Beatissimi P E T R I dies, addictus ferro pœnalia Vinculorum, iure hic addicitur & honori triumphalium Metallorum .

A D E V M D E M P O N T . M A X .

de se ipso .

ROMA MORA: MARO AMOR.

**R**OMA facit Vatem, spectantem magna; Canendi  
Dat studium, semper qui canit alta MARO.

Magna, Urbane, facis; canis idem grandia . Vatem

Me tanto & fieri Principe posse negem?

Quidni dulce canat, cui per te læta canenti,

Dulcis ROMA MORA est, est MARO dulcis AMOR?

Mi



## Mi Lector .



**N**EQUE ego tecum breui carmine rem confecerim, neq; tu me longioris Poematis causa, episodicum iure dixeris. Sanè, citò me absoluas, si Aram, opus quantumuis maximum, describens, nihil præterea complecti velim. Sed quoniam sub eiusmodi struëtura latet eximia rerum Supellex è Christiani hominis usu; illam non explico quidem, sed illius aliquid expono; quippe obtemperare argumento debui, ut ne rerum dignitas fraudaretur, & crassiore tibi ipsi fraudem facerem gracilitate poematis. Ne, quæso festinus ad Aram veni; ad Aram omnium principem; ad Principes Christiani Orbis supremos. Præproperum te paucis poteram expedire. Sed neque religiosa sit mora, ubi immoremur in Religione: neque raptim agatur causa pietatis, quod veriùs non agere est. Nihil enim in ullo morari, quandoque est & mereri nihil. Cur ego splendidissimam materiam desultem? Cur meme abdicem pretio operis? Si negotiosus es mihi, tibi nec sum morosus. Si non is es, quem de Beatissimis PETRO, & PAVLO vel diutius audire delectet, frigidum mea dicta non tangunt. Vel tempestivum te volo, vel nullum. Non ego nimius, qui Apum more, florentissimam segetem vix delibo. Nam singula persequi, id oppidò nimium foret. Nunc, quod polliceri habeo, sic habeto. Quàm intima est Ara Templo, tam non extranea argumento veritas innascitur. Singula è causa visceribus, vel ad sacratissimos Cineres referuntur, unde est Ara; vel ad Aram, unde est Templum; vel ad utrumque, & novi Conditoris celebritatem. Horum opportuna complexio meus labor fuerit; sælix iste, necne, tuum esto iudicium. Legar ab illo, cuius interest sui operis iusta laudatio; nulli me neglectum putabo.

Sic denique, de ipso scribendi genere præfari liceat:

Virgilium sequimur, non lædimus; aurea Vatis

Cultu, non furto stat monumenta sequi.

Qui diuersa probas, quid me legis? Aut tibi cultus

Esto idem: aut mihi tu, si tibi & ipse grauis.

# DE ARA MAXIMA VATICANA.

**T**Ota DEI Templum est, quæ fulget machina rerum;  
Ipsa Orbis Templum maxima Roma patet.  
ARA sed hæc meritò: vel Templum Roma, vel Orbis  
Ipse sit: & Romæ MAXIMA, & Orbis erit.

## De eadem.

**A**VRO expressa subest mens, & facundia. Vocem  
Æs notat. Ære, auro nunc solida Ara nitet.  
Facunda quis mente operi par, quisue canora  
Voce queat dignos ære ciere sonos?  
Totus ego, ò, sim mens, totus vox. Ipsa sed Ara  
Tota aurum, tota æs, se canet vna latis.

## De eadem.

**C**ONDAT Fama Tubam. Non sic Tuba vincitur ære  
Immenso, vt Famam nobile vincit opus.





# ARA MAXIMA VATICANA.



Emmonium quisquis simulacrum, ta-  
ctaq. primo

Aera canit iubari, reddentia murmure  
certo

Eos sonitus: miracula numinis aurei,  
Materno Auroræ documento didita  
terris;

Vrbem ille Aufoniam recolat; Templumq. reuifens

Magnanimo posurum PETRO; scopulosaq. celsis

Atria fornicibus; solido ceu marmore montem

Ingressus, caua quâ latera, & laxata renident

Per gyrum spatia, & variata coloribus, altè

Abripiunt animos penetralia, fultaq. Cælum

Stelligerum referens, æquat se machina Cælo;

Incedat, mediaq. gradum Testudine sistat.

Protinus ætherias voces, atque intima ahenis

Aligerum signis concusso murmura corde

Percipiet, radijs Solem indulgentibus auro

Perfpicuum, inq. sonos animantem fulua metalla.

Atque hæc dicta bibet perculsi pectoris hauſtu;

Tanta viget virtus, tam viuax ardet imago.

Quid trepidæ adſtatis mentes? Nunquamne ſupernos

Tranſuolitare orbes, veſtri cunabula & ortus,

Aſtra remetiri, & ſuperos ſpectare libebit?

Accipite ergò alacres quæ nos oracla noua vi,

Vnanimesq. in vestra damus præcordia voces ,  
 Sole sub igniuomo , cuius Sol aureus umbra est .  
 Quandoquidem reptatis humi , obtutuq. tenetis  
 Tellurem , atque imis iuuat incubuisse latebris ;  
 Nullum & celsa sequi studium ; supera ardua nullus  
 Vestigare oculis labor ; ima indagine saltem  
 Hoc lustrate solum , has latebras , quæ , pignora Olympi ,  
 Clauigerum magnum , magni Præconis & ora ,  
 Tantorum ossa Ducum , puri quondam ætheris auris  
 Afflatos artus , arcano viscere seruant .

Quos , vitæ ceu iunxit amor , non morte sub ipsa  
 Ensesq. immanesq. Cruces diuellere ; non hos

*SS. PETRI , & PAULI corpora à pijs Orientalibus clam sublata , ut illa se cum abducent , deposita sunt in loco , qui dicitur ad Catacumbas , ubiq. aliquandiu seruata . Sed tandem asportatos , Tomitana , & fulgura dissecrunt : Romanos discriminis munierunt ,*

Externæ vires furto , insidiæq. rapaces  
 Diducto amplexu potuere auertere , iunctim  
 Quin sua Romulea seruarent corpora terra ,  
 Corpora , quæ fida superi statione tuentur .  
 Seu vos Romulidæ tristis contagia morbi ,  
 Seu terrent confertæ acies , arma extera ; seu vos  
 Tempestas , & dira fames , & lethifer annus ;  
 Hic medicas orate manus ; tutela pericli  
 Hæc patet , infensosq. metus dediscere fas est .  
 Seu vos Ausonij , Cælo gens fida , coloni ,  
 Galliç. , Hesperijq. , Indi , & quod germinis vsquam  
 Christiadum , vestros populis iactatis honores ;  
 Hanc Aram celebrate , sacris fundamina vestris ,  
 Munimen fidei , solidæ Pietatis & arcem ,  
 Relligione placentem astris , Herebòq. timendam .  
 Aram , solus vbi peragit Diuina Sacerdos ,  
 Pro cunctis qui vnus semper litat ; omnibus vnus  
 Dat iura ; è terris cui summa potentia soli  
 Cœlestes aperire fores ; Neue Infera virus

Antra vomant , valuas centeno claudere veste  
Tartareas , centum vincire & monstra cathenis .

Dulciloquis tales modulis , & voce quaterna  
(Ceum totum à totidem compellent partibus Orbem)  
Transmittunt Simulacra sonos ; concordia quos dat  
Impariles , mentiꝑ. habiles . Spirantia cernis  
Intuitu primo , non aure loquentia sentis ?  
Nonne vides iubare Aligeros radiante corufcos ?  
At monita excipies penetrali pectore , mentem  
Terrestres ni hebetent sensus , & terrea corda .  
Surge animis : Te iunge Deo , sorte vtere Cœli ,  
Fortunate hospes ; latebraꝑ. exceptus opaca ,  
Per faciles descende gradus , quâ marmora crustis  
Afra coloratis lucent ; quâ lampade crebra ,  
Lumina dùm auratis ardent radiantia Lychnis ,  
Vmbra loci tenebrosa , diem dat victa perennem .  
Continuò insuetum tentabunt viuida pectus  
Gaudia ; succedent terrarum obliuia ; curæ  
Sordefcent humiles ; stimulisꝑ. incensus amoris ,  
Optabis cursu mortalem attingere metam ,  
Carcere disrupto , atque æuum prætereire vitæ .  
Nam quæ segnities iustissima vota moratur ?  
Si tam præfenti completur numine sedes  
Abdita , Maiestasꝑ. loci : Quæ gloria sedem  
Sydeream , qui replet honos ? vbi regna patefcunt  
Lucis inexpletæ ? Vbi se præfentia fundit  
Numinis ? O Patria , ò Sedes ! Si gratia tanta est  
Ossibus , & cineri extincto ; si tanta sepulchri  
Omina : Quale decus , quænam spectare triumphum  
Læticia est ? geminosꝑ. Duces , quos millia mille  
Cælituum plausu decorant , choreisꝑ. coronant

Nexilibus , semperq. noua circumflua luce  
 Agmina circumstant , oculis , vultuq. decoros ,  
 Extantesq. humeris altè Palmasq. ferentes ?  
 Sanctæ quos animæ , æternum pœana sonantes  
 Stipant , agnoscuntq. Patres , celebrantq. magistros  
 Dilecti cœtus , per apertas diffitus oras  
 Qui Romam agnoscit Patriam , gentisq. togatæ .  
 Et memorant laudes , & grandia facta recensent  
 In generis commune bonum , appellantq. vicissim  
 Ductores , nulli cedentia corda periclo ,  
 Et procerum proceres , rerum & molimine multo  
 Rectores populorum , assertoresq. salutis ,  
 Omnipotens sacro peperit quam sanguine Christus ;  
 Atque iter edocuit ; ponè adnitentibus ipsis  
 Exemplo gestorum operum , atque interprete lingua ,  
 Complanare viam , postquàm Cælestia magnus ,  
 Morte triumphata , remeauit Regna Magister .

Ipsi præcipuo gaudentes lucis honore  
 Christicolum altores gemini ; non agmina quali  
 Cœlituum vulgò radiant , sed quantus ab alto  
 Solem vtrumque decet , concessum desuper Orbi ,  
 Tergat vt antiqua obsessas caligine terras ;  
 Obtutu penitus defixo , animisq. feruntur  
 Immenſam in TRIADEM : Patrem , sobolemq. Parenti  
 Aequæuam , quos æquæuus flammescit & inter  
 Spiritus ; haud Numen triplex , sed luce refusa  
 Simplex ; conflatumq. tribus Magnum Orbibus Orbem ,  
 Nusquàm diuiduum ; Trina sub imagine vultum  
 Haud circumscriptum ; Quod claudit & omniâ circum ,  
 Quod cunctorū anima est ; Sanctum , immutabile Numen ,  
 Nulli comprehensum , conceptum , effabile nulli ;

Cuncta

Cuncta creans vnum , stabili omnia lege gubernans ,  
 Omnia semper amans . modò quod se intelligit , & quod  
 Ex sese fluit , in sese redit ; omnia complet ,  
 Nil aliundè trahens , nulli hærens ; Cuius Origo  
 Nunquam oritur,nunquam emoritur; quo manat ab vno  
 Principium sine fine sui ; Solòq. beatos  
 Efficit aspectu ; Quod si vel Tartarus ipse  
 Conspectat , sortis sit Tartarus ipse beatæ :  
 Olli concilio in medio , ordinibusq. canentum ,  
 Psallentumq. modis miris , nomenq. verendum  
 Voce salutantum , laudes , & carmina dicunt .  
 Ter Sanctum dicunt , Terræ , Astrorumq. parentem ,  
 Munificum , semperq. pium , semperq. colendum ;  
 Et dicent , spatio immenso irreuolubilis æui .  
 Tùm pariter vultus Augusta in VIRGINE figunt ,  
 Cernere quam promptum est: radiat nam dextera nato ,  
 Nato , qui radiat Genitori dexter ; at ambos ,  
 Vnum inter sese , processuq. alter , & idem ,  
 Iungit inexhaustæ vitalis Spiritus auræ .  
 Ergò & Reginam , magno quæ summa Parenti  
 Filia , quæ vnigenæ Mater , quæ candida Amoris  
 Sponsa nitet , mirantur , inardescuntq. tuendo .  
 Quam , nisi præstiterit iam se Deus ipse videndum ,  
 Credas esse Deum , sub maiestate latentem  
 Virginea . Dudùm latuit sub Virginis aluo  
 Quippe Deus , thalamumq. sibi , gazamq. parauit  
 Diuinam ex vtero , cedit cui Regia Cœli .  
 Sed qui olim latuit , nunc est manifestus in illa .  
 Quin etiam fuit , exuias cùm VIRGO caducas  
 Ferret adhuc , rapidas & solo sisteret auras  
 Aspectu , incessuq. rosas pudibunda cieret ,

*Psalmodia  
 Cœlestis non  
 intermissa.*

Qui

*S. Dionysius  
Areopagita.*

Qui caneret ; Nisi certa Deum vestigia monstrent ,  
 VIRGO erat ipsa Deus . Quæ verò huic gloria , quantus  
 Creuit honos , postquàm mortalem lucida sortem  
 Gressa super , medijsq. altè subnixa volantum  
 Agminibus , sortita Deo contermina sedem ,  
 Ardet amans , præfertq. Deum ? Tantum eminet ore  
 Imperiumq. decusq. , pia & clementia tanta est ?  
 Sancte Pater , Galilæe senex , fortissime Ouilis  
 Custos Romulei , salve . Tibi contigit vni  
 Christi impleffe vices primùm ; mox VIRGINIS ore  
 Christiparæ , alloquidq. frui ; cælestia facta  
 Gressus , & studia , & mores tibi nosse licebat .  
 Salve magne Senex ; Lateri tu fidus inhæres ,  
 Dùm sonitu adspirans Cælum discedit , & intrà  
 Conclauē interius iaculatur flammea dona .  
 Et desiderio tabentia corda fideli  
 Solatur , dupliciq. æstu compensat Amorem  
 Aestiferum , carosq. ignito vertice signat .  
 Præterea , dùm digressus meditata supremos ,  
 Tanta oculis Regina , viam designat olympo ,  
 Vndenos inter Procures ( nam Didymus absens  
 Non explet numerum ) famulantum , & mira canentum  
 Inter Pennigerum cœtus ; suspiria cordis  
 Virginei , atque ignes , & verba nouissima condis .  
 Lustralesq. adhibens in membra haud indigna lymphas ,  
 Lymphas contactu puro , purissima posthac  
 Dona sacras ; fortunatum neque deseris vnquam  
 Ceruical ; positoq. genu , lacrymisq. profusis ,  
 Dùm terris superest , animatum Sydus adoras  
 Vndantis pelagi , tua quod Ratis inclita fulcat .  
 Et nitidam Cæli Portam veneraris , vbi ipse

*Sacrosissimam  
Deiparam sa-  
lutarē Eccle-  
siæ , Mariæ  
Stellam, Cæli  
Portam .*

Clau-



Clauiger es quondàm lectus ; Sanctumq. cubile  
 Contingens fletu prædulci , & multa precatus  
 Pro focijs , pro desertis munimine terris ,  
 Hanc ipsam imploras solidum munimen ab alto ,  
 Expectata diu quò tandem REGIA VIRGO  
 Successit . Mox , orba sacro cùm pignore busta  
 Sunt lustranda , tuis patuit scrutabile marmor  
 Auspicijs ; quando hæc iamtùm tua summa potestas ,  
 ( Tanta fuit terris , quantò est nunc maior ab Astris ? )  
 Pandere thesauros , referare & pignora Cœli .

ET meruit generosa fides , qua sponte relictis  
 Retibus , & Lintre , & reliquis , quorum vsus egebat ,  
 Grandæuo Dominum sequeris cùm fratre vocantem .  
 Quem rate desiliens , conspectum in littore longè  
 Dùm repetis , sicco liquidas pede conteris vndas .  
 Scrutantemq. animos , fido foret alta recessu  
 De se fixa suis quænam sententia ; non tu  
 Cunctanter , non ambiguo sermone , tonantis  
 Vociferans prolem Patris , & fastigia morem  
 Humanum suprà conscendens , præmia tanta  
 Digna fide , & tanta fers digna oracula voce .  
 Quem fida statione cupis seruare , tribusq.  
 Excubijs , summo tentoria figere monte .  
 Nec deserturum duræ inter præscia mortis  
 Dicta voues ; interq. dapes iuratus , & vnà  
 Commoriturus abis . Mox agmine circumseptum ,  
 Nocturnoq. dolo , euigilans vbi cernis , in hostem  
 Impete fulmineo abriperis , mediamq. cohortem  
 Irrumpis gladio , & specioso vulnere truncas  
 Tendentem contrà , & resupinum , & dira trementem .  
 Ast vbi te vox increpitat , sanabile vulnus

Quæ facit , & dirimit pugnam , atque exterminat ensem :  
Quando alijs peragenda armis est causa salutis :  
Ilicet insequeris tacitus per tristitia raptum  
Supplicia . Et postquàm casu tremefactus acerbo ,  
Ante focos frigans , potuisti voce negatum  
Diffimulare Ducem , sed quem non corde negares ;  
Continuò lacrymis fluis , est lugere voluptas  
Sola tibi ; & fletu , sis quamuis Petra , liquefcis ;  
Et liquido fletus diffindis marmora sulco .  
Eheu , quò diuersus abis amor ? hæcenus en quò  
Intemerata fides ? Sedenim deposta sepulchro  
Ad spolia accurrens , licet à præeunte secundus  
Pergis iter , prior ingrederis . Liberrima semper  
Concilio canis in medio ; gentisq. supremus  
Rector Idumææ , nil non meditaris ; ab alta  
Omnia sollicitus specula circumspicis . Et iàm  
Imbueras Asiam monitis , sedemq. locaras  
Vrbis in Antiochi gremio ; iàm sacra ferebas  
Vrbem ad Romuleam . Fœlix ò Appia , tanto  
Semita prima Duci . Patuit noua forma Triumphi ,  
Pauperies , durusq. senex . Stetit horridus Heros  
In baculo , hirsuta & zona ; cui frigora , cui Sol  
Exurunt artus ; sed longè ardentior vrit  
Intus amor , populis pietas & nata fouendis .  
Talis eras . proh quantum instar ! Quæ gratia ! plenus  
Teque ipso , plenusq. Deo . Quiq. arcibus infers  
Romanis Cœlum , & cœlestia munera ; egenus ,  
Intonsusq. hirtusq. genas , & tempora nudus  
Incedis . Tamen hunc te excepit Roma , profanas  
Euertentem aras ; cultus , ac Tempia nouantem ,  
Celsa reclinantem ; rerum inter fluxa , perennes

Fundantem sedes , atque immortalia Regna .

At Tuba per gentes latè , prænuntia vitæ ,  
 Ediderat sonitum intereà , populosq. replebat  
 Ingenti crepitu , & diuino pectora pulsu .  
 Sic Romana tibi fuit intrà mœnia præsto  
 Europæ , atque Asiæ Doctor ; Vas grande supernè  
 Manantum Charitum : Vox imperterrita : Præco  
 Sydereus , tecum pariter sub fine laborum  
 Supremo , hanc decorans Urbem statione bienni .  
 Ille olim captusq. oculis , cœlestia vidit  
 Arcana ; & deiectus humi , atque in tertia raptus  
 Astrorum spatia , immenso decoratus honore  
 Regreditur ; vigili terras & lumine lustrat ,  
 Nunc placidus , nunc exerto sed fulmine linguæ  
 Terribilis . Non alta illum , non hiscere contrà  
 Audent ima soli , radiat dum fulgure diuo .  
 Verum humilis , supplexq. , viam quæ monstrat Olympi ,  
 Circumiens ; cineri , atque fimo se vilius optat  
 Posthabitu ; gaudet plagis , it verbera contrà ,  
 Et lapides ; flagris vltro nunc obuius , & nunc  
 Fessus , inops rerum , per littora sola , per arua  
 It profugus ; nunc per patulam sublimè fenestram  
 Pendulus , abrupto pelagi nunc æquore gestit  
 Naufragus . Et si quas vi tempestatis ad oras  
 Eijcitur ; fontes aperit sitientibus agris ,  
 Tabificos curat languores ; VIRGINE natum  
 Seruatorem hominum tam pleno nunciat ore ,  
 Trans mare longinquas vt vox penetrabilis aures  
 Contingat . Melite hæc dudum miranda recenset  
 Prodigia , horriferis Melite famosa Chelydris  
 Olim ; Vipereo sed PAVLI dextera vixdum

*Singula, quæ  
 de Melitensi-  
 bus PAVLI  
 Apostoli pro-  
 digijs hic de-  
 libantur, par-  
 tim extant,  
 partim ab in-  
 colis accipiū-  
 tur indubia  
 fide vetusta  
 narrationis .  
 Nam totam*

*Insulam mil-  
lium passuum  
circa saxa-  
genū, cōtinē,  
& contraēta-  
bile D. PAV-  
LI miraculū  
inve dixerū-  
tur.*

Dente laceffita indoluit ; ſæuire dolorem  
Hunc vltra vetuit vulgò ; & benefacta rependens  
Pro morſu , propè deſertam , ſæuàq. Draconum  
Peſte laborantem regionem clade leuauit ;  
Æternūmq. locis hinc , atque hinc virus abegit .  
Nulla venenatis iniuria , ſiue Ceraſtis ,  
Siue herbis poſthac : Aconito iniuria nulla eſt .  
Quin curuo terram proſcindens vomere arator ,  
Fulgureos ſerpentum oculos , lapideſcere fuluo  
Quos fert auro atas , dentesq. , & grandia rupto  
Effodit oſſa ſolo ; quæ protinus , ipſaq. Tellus ,  
Excuiunt morbos venis infuſa rigentes :  
Certa vel incuſſo (mirum) medicamina letho .  
Par fuerat ſedenim , populos qui neſtare Cœli  
Ambroſio paſcit , terris pepuliſſe venena .  
Hunc tamen errantemq. locis , atque omnium egentem  
Pauperies , iàm non turpis , ſed pulchrior omni ,  
Dirior & gaza , comitatur ſub duce Amore  
Funera per medium , quæ propter plurima amatum  
Sulcepit Nomen , quod & omnia nomina ſuprà eſt .  
Nomen , quod calamo , & lingua creberrimus vrget  
Cordibus inferere , vſque regit dùm ſpiritus artus .  
Quin , ſecta irriguo ceruix dùm prata cruore ,  
Puro , & lacte beat ; Ter nomen frigida amatum  
Lingua , ter inſiliens cecinit caput . O , mihi fas ſit  
Sanguine conſpergi vndanti , quo tactus & ipſe  
Percuſſor , potuit Chriſti inclareſcere miles .  
Quod poſſum tamen , ad triplices me ſemita lymphas  
Ducat ; quandoquidem eſt virtus certiffima lymphis .  
Lacteus ipſe infans Amor , irrequieta volatu  
Membra mouens , ſiſit ; ipſe ſuo tener vritur igne :

*Tres D. PAV-  
LI Pontes, la-  
ſſum humo-  
rem maniſe-  
ſtò ſapiunt ;  
mimus à pri-  
mo altari .*

Immer-

Immergat triplici lactentia FONTE labella,  
TERNO è FONTE aperit nàmq. vbera lactea Tellus.

Salue ò Saule, Heros Tharsensis; vox tua digno,  
Quippe triumphalis, fuerat sacrandæ Theatro.  
Talis adest Campo species, vbi meta petita est  
Ambobus; Roma ambobus diuersa Theatrum  
Exhibet; in pugnam tales prodistis & ambo  
Carceribus; Veluti cùm proripuerè Quadrigæ  
Incita multijugo sese in certamina cursu.  
Et tua consorti gaudentia vincula PETRO,  
Nonnisi Tarpeiam rupem, quæ sola triumphis  
Trita, cauosq. sinus Capitoli inuicta decebant.  
Ille diu grauidus tot Martis honoribus, ille  
Parturijt Mons ingentem sine more triumphum;  
Parturijt geminas, quæ tangunt Sydera, Palmas:  
Palmas, queis meritò celebrata superbit Idume.

Quale fuit, geminos de carcere Mamertino  
Inspectare Duces, Herebòq., astrisq. potentes,  
Per fora traductos media, & quæ Curia surgit,  
Quà delusa ipsis Delubra inimica Deorum,  
Incessu placidos, Fidei primordia, celsum  
Relligionis opus, sacro sata sanguine Christi  
Semina, condentes proprio irroranda cruore?  
O, mihi quis PAVLI è gladio det habere Coronam?  
Quis PETRI è clauis fixas Diademate gemmas?  
Saluete, ò decus, ò nostrum. Iam nunc caput Orbis  
Per vos Roma sedens folio Regina verendo,  
Priscas temnit opes. Nàm quæ mox Purpura, quæ mox  
Successit veteri Maiestas? Ardua Cælum  
Contingit; Cœli interpres; fidissima custos  
Depositi immensi, sacrorumq. arbitra; Regum

*PETRVS oc-  
cisus est ad  
Neronis Cir-  
cū. PAVLVS  
ad Aquas Sal-  
uias; vbi ipsa  
loci natura  
Theatru[m] re-  
fert. Ad necē  
sunt educti à  
visceribus Ca-  
pitolijs.*

*S. Io. Chryso-  
stomi dictum.*

Edomitrix , Heroum altrix ; amor ætheris alti ;  
 Cocytij. metus ; Statio benè fida salutis ,  
 Oraculum populorum , æqui iustissima sedes ;  
 Vrbs, quæ vnà imperium, atque animos exæquat Olympo.

Nunc, ea quandoquidem vestra est, & qui regit urbem  
 VRBANVS Pater , in vestros effusus honores ;

Ausoniam quæso Patriam , Ausoniumq. Parentem  
 Et seruate diu , & tutela efferte perenni .

Ille vbi conspexit primùm , se munere vestro  
 Pastorem accitum Gregis , & sublimè per auras  
 Sublatum famulantum humeris ; qua luce Thaborem  
 Conscendens, nituit Christus fulgore niuali ,  
 (Nàm lux anterior niueo illustrat honore

Exquillas ) Vaticani noua gloria montis ,  
 Adstitit hìc , niue conspicuos circumdatus artus ;

Conuertitq. in vestra suas vestigia plantas ,  
 Ipsi quas posito vel Reges poplite lambunt .  
 Hìc vestrum in fœdus iurauit , supplice voto

Terque , quaterque rogans , gestis vt vestra referret ,  
 Si fas , acta suis , vestriq. simillimus esset ,

Iàmq. opibus fultum imperium , cum laude teneret .  
 Inde viro illuxit pietas , & gratia morum ,

Flexanimusq. vigor , vis quæque per ardua fortis ,  
 Ardens ingenium , generosa , & viuida virtus ;

Cura vigil , graue consilium , mens prouida , rectus  
 Iuris honor , iugisq. labor ; Sapientia , & ausus ;

Maiestas , & amor ; probitas , & norma regendi .

Heu quot diffidijs , quanto & discrimine , Regna  
 Christicolum verti doluit ! Germania tristi

Ingemuit bello ; Belgarum imperuia campis

Stat seges armorum ; Mars , & Neptunus inundant



Quos simul. Hesperio, aut Gallo nàm quæ ocia, nàm quæ  
Parta quies? Vtriq̃ue in amica est fœdera missus  
Purpureus Iuuenis: Mox pacanda alter ad arma  
Mittitur. Ipse sibi nunquam defletus abundè  
Mincius, exhausto lacrymarum fonte, resedit.  
Quid memorem fractos armis, animisq. Bohemos  
Infractos? Nostrium quid signa Heluetica robur,  
Heù male discissis inter se stantia votis?  
Quid iurata Aquilam contrà, quidue agmina contrà  
Austriadas? Lateri en Batauos, tergòq. Britannos  
Inferos. Impacati fileo arma Sueci,  
Hungaricosq. metus, trepidantem & motibus Istrum  
Insolitis; Calpenq., tuentem & torua Pyrenen.  
Ipse etiam Getico percussus corda tumultu  
Sarmata, quem tollit virtus, & gloria Martis.  
Rhetica nàm fileo damna, & creberrima gentis  
Damna Subalpinæ, atque tuos, Insubria, fletus;  
Palloresq., atramq. famem, & ieiunia dira,  
Tabentemq. luem, contactu & noxia fata;  
Quæ trans, quæ Eridanum citrà, Venetùmq. per oras,  
Et quà se Rubico, quà se pulcherrimus Aufer  
Inuehit, atque Arnus pelago; quà Felsina surgit,  
Et quacumq. locis varius patet accola; ab imis  
Alpibus ad laticem Tiberinum; ab littoris oris  
Inferi, ad extremas superi oras æquoris; omnem  
Oenotriæ implerunt, seruato haud limite, tractum.  
Vulgò etiam formido fuit, ne culta manerent  
Itala Gothorum rabidos pastura maniplos.  
Vndique personuere Tubæ, raucoq. boatu  
Classica concrepuere; Vrbes custodia cinxit.  
At non lethæos potuit custodia morbos,

Lernæamq. arcere luem . Grassante veneno  
 Per populos , cecidere atro tot millia letho ,  
 Millia quot Sylvæ foliorum , aut sydere guttas  
 Demittunt hyberno Hyades , vbi Aquarius ingens  
 Sufficiat pluuialem Vrnæ . Quin funera gentis  
 Qui possit numerare Italæ , numerabit & vndas  
 Ille mari in medio , & bibulas in littore arenas .  
 Dùmq. suis Regio angustum foret ampla sepulchrum ;  
 Et , poterant viuos modò quot nutrire , nec ipsæ  
 Possent extinctos Terræ iàm ferre ; Latinis  
 Abstinit Libitina manum committere campis .

*Vltrà Roma-  
 nam ditio-  
 nem , bello ,  
 pestilentia , &  
 fame ; Citrà  
 eandem , Ve-  
 sunij montis  
 terroribus , to-  
 ta conficiata  
 est Italia .*

Tibris sola fuit requies , & meta malorum .  
 Hàc lymphata tenuis , ripa mersata salubri  
 Constitit eluuiis , deserbuit ira ; nec vltrà  
 Sæuitum est . Quin à tergo pulcherrima rerum  
 Parthenope , nostro tuta & munimine , fœlix  
 Heu nimiùm poterat , nimiùmq. beata videri ;  
 Ni rabidi ignitos vomitus experta Veseui  
 Ponè foret , longè attonitum iaculata per Orbem  
 Funebres cineres , tremebundi ostenta furoris .  
 Nobiscum Natura modò , & Pax fœdera sanxit .  
 Conticuere Tubæ , raucos pressere boatus  
 Timpana ; fertilibusq. vagata est Copia Terris  
 Omnigeno cornu . Vinetis Bacchus , & aruis  
 Debachata Ceres ; capiunt vix horrea messes .  
 Non atrata nurus infecit funere vestis ;  
 Non hìc pompa frequens funalia duxit ; amatum  
 Nec sponsi nomen , nec nati , exercuit ora  
 Materna , aut innuptra , & lamentabile carmen .  
 Muneris id vestri totum est ; Vos sydera iniqua  
 Vertitis en aliò ; & clades depellitis vltrò

Ab Latio ; Latijq. Parentem commoda obire  
 Noſtra datis , ſeſeq. parem dare robore magnis  
 Conſilijs ; externa mares & cuncta refertis  
 In curas . Hæc vos , & per vos Numen amicum  
 VIRGO decus Cœli , niueæ cui thura beata  
 Fumant Exquilæ , atque aras donaria complent .

Ergò , nàmque Tholo , & thalamo ſublimè peracto ,  
 Illa fuit PAVLO primus labor : Haud minus ipſi  
 VRBANO princeps , & maxima cura fuiſtis .  
 Ille quidem , Latia cernens ditione ſalutem  
 Scruari , indè ſuis aliena laboribus arua  
 Pace feri , & meliore frui regna extera cultu  
 ( Nàmq. ea cura coquit ) ; Tantorumq. obice nullo ,  
 Et reus , & compos votorum ; Nil , niſi veſtrum  
 Cogitat in decus ; Et Templo , quo non videt vllum  
 Siue Italis , ſiue Externis auguſtius oris ,  
 Noſtra , Patrumq. , atauùmq. ætas , & priſca Vetuſtas ,  
 Succedit medio ; Hic toto in vos pectore verſus ,  
 Queis ſuprà , gemino ceu cardine , vertitur omnis  
 Chriſtiadum moles , vobisq. innititur omnis ,  
 Ceu geminis circùm acta polis ; Cœleſtia mente  
 Concipit ; attentatq. manu terreſtria buſta :  
 Interiora ſolo quæ ANACLETVS condidit alto  
 In veſtri monumentum obitus , quâ prodijt ortus ;  
 Nàm quæ ſumma dies , æterni eſt Lucifer æui .  
 Antè immane ſolum fuerat , crebràq. Neronis  
 Cæde profanatum horrebat , ſemperq. cruentum .  
 Per vos dira loco pulſa eſt infamia ſedis .

Nàmq. furens animi ſœdus mirmillo , Theatri  
 Dedecus Auſonij , & ſceptro ſucceſſor auito  
 Æternum opprobrium ; ſuccenſa protinus Vrbe

*Exquilam  
 VIRGINEM  
 Urbis Tuſula  
 vñ Paulus V.  
 Pont. magni-  
 ficè ornauit  
 rat. Vaticani  
 Principes VR-  
 BANO Pont.  
 exornandi ſua  
 vni .*

Bacchatur ; Solesq. nouem tecta ardua pastis  
 Exultat flammis , nitidòq. extinguere Romam  
 Igne parat . Tùm quas lambunt incendia moles ,  
 Cœca ruunt ; Linguis hoc ille voracibus Vrbi  
 Acrior insultat , quò perfidus aure maligna  
 Exhaustit gemitus miserorum , & tristia planctu  
 Proditata inhiat . Flamma est sitis aucta cruoris .  
 Tùm super Exquilias Turri speculatus ab alta  
 Indignum excidium , Vulcania funera , sedes  
 Laplantes , tecta horrifonùm plangentia : gaudens  
 Expleri q. animum nescit , Tragicosq. boatus  
 Intentat ludo ; & Cythara mitratus eburna  
 Personat Iliacos casus , & Pergamon ingens .  
 Talia sacrilegus ciet ad spectacula , longùm  
 Execranda , oculos terrarum , & lumina Cœli .  
 Compita prætereà ciuili sternere clade  
 Cogitat , & caueis frendentum emissa Ferarum  
 Millia , in elapsos flammis agitare Quirites .  
 Sed monstro fuerat non bellua scruior illo ,  
 Obuia quæ exciperet nil tam furiale merentes .

At tanto commoti ausu Populusq. , Patresq. ,  
 Auctorem sceleris damnati ad iusta reposcunt  
 Supplicia ; id fora conclamant , id fumida Tempia ,  
 Mœniaq. , ambustis & hiantia culmina pinnis .  
 Dissimulat diuersa diu , & vix orfatuetur  
 Effera . Proripuit tandem , & præfatus amorem  
 Romulidas propter vigilem , mendacia vulgò  
 Iactat in insontes , verbisq. edicit amaris  
 Christiadas scelerisq. reos , & deuouet Orco  
 Legum euersores , turbantesq. omnia furto ,  
 Pendentis nuper ligno raptoris alumnos .

Tùm

Tùm dolor exarsit furijs , subit incita magno  
 Cùm fremitu rabies ; Christi & noua germina suadet  
 Vellere humo , segetemq. manu exturbare nocentem .  
 Quæsitò gladium stringit Nero . Funera Circo  
 Immerita eduntur ; Non vna est mortis imago .  
 Sæuitur ferro , atque Feris , sæuitur & igne .  
 Primùm sanguineis hìc est agitata procellis  
 In pelago irarum tua , PETRE , interrìta Puppis .  
 Heu dirum scelus ; horrifìca stant Ludicra cæde ;  
 Sæuitiem irritat Pietas : risumq. , iocumq.  
 Exercet laniena ferox ; Et sanguine puro  
 Alluit Euripus sceleratam impurus arenam .  
 Spectandi studio concurritur . Occupat omnem  
 Confessus Caueam ; infandum noctesq. , diesq.  
 Continuatur opus . Talis væcordia pubem  
 Detinet insomnem ; feritas dùm cœca tenebras  
 Excuiens , auget . Non hæc funalibus actis  
 Noctem arcet , sed viua virùm pice corpora pingui  
 Imbuit infundens . En quo fera vulnera mulcet  
 Vnguento . Exin , dispositis per crebra tigillis  
 Interualla , apices religat suspensa per altos .  
 Paulatimq. igni inflammans , diffundere terris  
 Dat lucem , illustresq. animas effundere Cœlo .

Ardua sic Virtus , alienæ haud indiga lucis ,  
 Digna fuit modò visa sua clarescere luce .  
 Barbara non alio potuit fulgere paratu  
 Clarior impietas ; Non & victricia Christi  
 Primùm alijs decuit facibus rutilare Trophæa .

Ergò infame solum , generosis trita palæstra  
 Per scelus athletis , rabidi post fata Neronis ,  
 Cultus in vestros ANACLETO rite sacratum est .

Iàm Capitolina prodistis rupe , Triumphis  
Quæ meta vna fuit ; cineri nunc debita vestro  
Planicies , olim ducendis lecta Triumphis .

*Campus triu-  
phalis hic est .*

Nec tantum celebri Campo largitur honorem  
Romula quadrijugo gradiens Victoria Curru ,  
Quantum funereo tumulata hæc ossa Sepulchro .  
Nec radiat tantus medio Sol igneus axe ,  
Quanta fluit cinere , & cæcis lux dia cauernis .  
Tempestat quin omne sequax impunè Theatrum  
Diruit ; at Tumulo extanti , vel sæua , pepercit .  
SYLVESTRO donec sacrorum Præfule , Magnus  
Hæc subijt CONSTANTINVS ; Non ille relatis

*Ità assuevit  
in suo opere  
de septem Ec-  
clesiis, postre-  
mus omnium  
Seneratus .*

Mezenti trucis exuijs , Capitolia ad alta  
Egerat assueto pompam sublimis honore ;  
Sed Vaticano victor sub Colle , supinas  
Constiterat cùm voce manus ad lydera tendens ;  
Et geminùm monumenta Ducum veneratus , eodem ,  
Quo iàm Tarpeias Aquilas prodire dabatur ,  
Stare iubens Campo , CRVCIS & victricia Signa  
Auspicio regnis statuens adhibenda futuris ,  
Cæca triumphali decorarat marmora pompa .

*Pulchrè hic  
locus erat Cō-  
stantini lepra  
ob dilatū toto  
hoc tempore  
Baptismū , &  
balneo ex in-  
fantium cruo-  
re parato ;  
visiōi simul  
Apostolorum ,  
salutari La-  
uacro , & a-  
lijs , quæ pluri-  
ma, breuitatis  
gratia omis-  
sunt hoc co-  
to carmine ,  
licet ad eius*

Post vbi Sol duodena Orbes circum astra recursum  
Egisset totidem , cœlestes fassus amores ,  
Perfoluitq. Deo grates , sumptuq. bidente  
Sacratam effodiens Tellurem , hic Tempia locauit  
Immensa , & centum immensis augusta Columnis .  
Munera quin etiam superaddit , iugera opimi  
Magna soli , censumq. , argenti pondera , & auri .  
Tempia nouo cultu postremum instaurat IVLVS ,  
Alter qui à primo , non vlli est laude secundus .  
Et postquàm mirando operi , centum amplius annos



Artificum accelerata manus , properatus & ipsis  
 Principibus sumptus dedit , atque industria finem ;  
 Tum Pater antiquo ritu , & quo more sacrarat  
 SYLVESTER primùm , sub luce VRBANVS eadem ,  
 Ternis , atque decem sæclis , ternisq. , decemq.  
 Elapsis annis , iterum instaurata dicauit .  
 Nec requies , animisq. modus ; Scrutatur inhærens  
 Abdita Terrarum Pietas . Nàm , siquid ab imo  
 Exesum , reficit ; rimas operosa labantes  
 Confirmat ; latera , & tenues compaginat arcus .  
 Sic demùm VRBANO sub Principe grandia busta  
 Ambit opus firmum , & solidat penetralia cæca ;  
 Fundamenta nouat ; Conclauia fulcit ; vbique  
 Consulitur ; quadro densatur marmore fornix .  
 Quippe datum est cineri Templum , & Testudo superbit  
 Ob Tumulum , seruitq. humili obsequiosa latebræ .  
 Ergò hæc in medio ARA solo , & Testudine fulgens  
 Ardua sub media , Tumuloq. imposta supernè ,  
 Scilicet ipsa opus est operum ; meritoq. labore  
 Ornatum ingentem , & sibi sustentacula poscit ;  
 Hinc validis meritò sub terram est nisibus itum .

Sæpè equidem dixi , teritur defossa ligone  
 Dùm rigido Tellus ; animosa absiste iuuentus ;  
 Nàmq. haud Thesaurus mortalis ; Munera Olympi  
 Seruat humus ; Violare nefas ; Sunt agmina , sunt hìc  
 Excubiæ Superùm ; Quantò penetratis ad Ima  
 Inferius , tantò propiora acceditis Astra .  
 Hæc ego ; Sed quamquàm horror init , tenebrosaq. circum  
 Terrent claustra ; cauis tamen ardent corda cauernis :  
 Stat rupisse solum , & cuneos solidare latentes ,  
 Arx tentata Poli quibus obsidione tenetur .

*Splendorem  
 peropportuna  
 facientia.*

*An. sal. 313.  
 S. S. X L V E-  
 STER sacra-  
 nit Vaticanâ  
 Aedem. Rut-  
 sum , elapso  
 milleno, & no  
 no cōsecro cur-  
 su 313. anno-  
 rum , Anni-  
 uersario die,  
 sacrauit VR-  
 BANVS Pōt.  
 VIII.*

*Nàm funda-  
 menta plus  
 nimio alta  
 agi videbã-  
 tur, cui tanta  
 futura moles  
 ignorabatur.*

Scilicet hic labor est, cineres munire beatos,  
 Subsidiumq. aptare locis, atque addere robur  
 Parietibus, caueisq.; ut possint ordine pulchro  
 Congeriem aratam, pondusq. immane, Columnas  
 Tortilibus flexas fulcis, sparsasq. tenellis  
 Inter bracteolas pueris, Apibusq. referre.  
 Nexasq. ære trabes, fuluumq. ex ære lacunar,  
 Ætherio radiatum auro, & fulgore Columbæ,  
 Quodque manus phrygio prætexit dædala cultu  
 Ditatum largè, & Cœli iam parte refertum:  
 Pendentesq. sinus, fluitat quâ fimbria circum,  
 Desuper & pueros, insignia nota gerentes:  
 Tum super impositas moles, & molibus altis  
 Pægmate dispositis quadrato, extollere in auras  
 Splendida Cælituum simulacra extantibus alis,  
 Ore palàm sonitus viuo meditata salubres.  
 Necnon victrices, sublimia germina, Palmas,  
 Victrices passim Lauros, monumenta triumphii;  
 Quadrifidosq. apices, ubi se curuata supinant  
 Culmina, contorto coeuntes vertice, quantum  
 Planicie possint, abrupti turbinis instar  
 Impendente, Crucem sinuosis flexibus actam,  
 Atque Globo super, atque Apibus per mutua nexis,  
 Ostentare solo, inde ansam præfigere Cœlo.

Hæc illa est nimirum Aedes, renouataq. ab illa,  
 Cuius ab ignotis venerata est limina terris  
 Haud numeranda manus Regum, soluitq. tributa,  
 Regnaq. subiecit donum. Pars, auspice PETRO,  
 Ante aras optata perit diademata fronti.  
 Pars famulata Deo, rutilam diademate frontem  
 Nudant, & rigido accincti luctamine, vitam

<sup>a</sup> Innocuam Claustris addicunt , plurima Templum  
Quæ stabant circùm . Rex , seu Regina , perosi  
Luxum , aduentabant : septa hæc , siue illa subibant .

<sup>b</sup> Quot veniunt vno peregrini ab littore Reges ,  
Linguentes Thulen ? hoc arsit Ofuuius æstu ,  
Cnutus , Etelstanusq. , Odoardus , Cedual , Ina ,  
Richardusq. , alijque . Simul patria arua Britanno ,  
Arua Calædonio linguuntur : ab Orbe Sicamber  
Venit Hyperboreo , & Scythicus iàm non satur actio  
Europæus equo : pompam duxere frequentem  
Saxones , & Morini . Rheno Tiberina fluenta  
Supplex antetulit Boius ; Descendit ab Istro  
Dacus , & effusi sacræ dant oscula Terræ .

<sup>c</sup> Colchida deseruere alij : Bizantidos oræ  
Sæpè iubent alij longinquas comminus arces  
Hanc Fidei venerari Arcem . Veneratur & Hostis  
Vandalicus . Theodora furens hanc excipit Ædem ,

<sup>d</sup> Hanc & Alaricus , dùm singula vastat ; Et ipse  
Mœnibus insultans Romanis Torhila ; Tuq. ô ,  
Longobarde ferox , cædem qui , & vincla minaris  
Romulidis . Frendens legio nàm Ciuibus instat  
Direptura domos , altèq. hauštura cruorem .  
Sed , mare ceu tumidum prætento lumine placant  
Conspecti Oebalidæ gemini , cùm Castore Pollux ;  
Continuò & pestem fessis à nauibus arcent ;  
Tùm trepidi voces iactant ad sydera nautæ ,  
Et plausu ingeminant grates , orantq. salutem ;  
Haud aliter truculenta Phalanx , & clade futura  
Effera , concussam excierat rumoribus Urbem  
Vndantem horrificis , & iàm vicina gementem  
Excidia ; Ast vbi conuersis occurrit vterq.

<sup>a</sup> *Complura  
circa Ædem  
Claustra , re-  
ligiosos viros,  
& feminas  
continebant .  
Quibus vtrū-  
que genus re-  
gale se addi-  
xit .*

<sup>b</sup> *Inter Reges  
numerantur  
de diuersis Re-  
gionibus , Ce-  
dual , Cohëre-  
dus , Offa , Hu-  
no , Ina , Ra-  
chis ; Inter re-  
gales femi-  
nas , Eadbur-  
ga , Vuisbur-  
ga , Agnes Im-  
peratrix , &  
alianò pauca .*

<sup>c</sup> *Nō comēdē,  
aut foris in-  
uocantur  
hæc locorum  
nomina , &  
Regum , quorū  
est singulatim  
præclara Hy-  
storia , Vatica-  
ni Tēpli cul-  
tum , ac vena-  
rationem re-  
spiciens .*

<sup>d</sup> *Hæc , & his  
amplius , sin-  
gula ex An-  
nalium fide .  
Alaricus Go-  
thorum Rex ;  
Vandalicis  
rum post con-  
diti annos Go-  
thi , in Urbis  
direptione ,  
SS. Apostolo-  
rum Basilicas  
omni iniuria  
prohibuerunt .  
Si qui eò con-  
fugerent , nō*

*minem ladi ;* Mentibus irradians Heros , quorum ossa quiescunt  
*si quid inde,* Hoc tumultata solo ( neque enim trux Atthila quondam  
*ablatū foret,* Sustinuisse iubar, nec flammās ore minaces  
*eadem omnia* Quiuerat ) ; Extemplō pauidi posuere tumultus ;  
*cōportari, Edi* Instaurati animi , & plausu resonantia Templi  
*flo iusserunt .* Concaua . Tūm grates puro canit ore Sacerdos ,  
*Id quod se-* Et lætæ matres , & ouantes voce Quirites .  
*lamus militū* Ipse Luitprandus, proiecto stemmate Regni ,  
*pompā faciū* Et sceptro , & pariter gladio , submissus ad Aram  
*est, Vasis qui-* Exuit auratam Clamydem , & regalia pronus  
*busque precio-* Inuictis Ducibus sacrans insignia , pacem  
*sissimis in hoc* Largitur , pacem ipse orat ; mentemq. superbam  
*Templum pu-* Flexus , humi madet acclinis , surgitq. Sepulchro  
*blicè repen-* A diuo rediuiuus , opèq. , animisq. resectus .  
*dit, Theodora*  
*Augusta, præ-*  
*icipiens, ad se*  
*Vigiliū Pont-*  
*abduci capti-*  
*uum, hūc mo-*  
*do per fugij lo-*  
*cum excepit .*

*Nām post de-* Fœlix , exuerit si nullo hanc tempore mentem .  
*centium, ite-* Sed non vlla frequens magis , aut reuerentior , Vrbi  
*rum vastatu-* Transmitit Regio Reges præclara videndos ,  
*rum accessit .* Relligione Patrum , & propria virtute decoros ,  
*Cæterum, de* Inclyta quā pietate olim , deuotaq. sacris  
*omnibus Tem-* Anglia . Proh lacrymæ , proh & dolor ! Insula MAGNO  
*pli huius vio-* GREGORIO pridem studijs quæsitā supremis ;  
*lateralibus pa-* Incrementum operis Christi , Fideiq. Latinæ  
*lām à Deo* Propugnaclum ingens , tanto spes digna Parente ;  
*sumptū sup-* Heu vilem ob curam , propriij correpta furoris  
*plicium , hy-* Turbine , concepit lethum ; deuictaq. morbo  
*storia restan-* Ipsa suo , penè est demersā , extinctaq. penè est  
*tur .* Exitio ( infandum ) ; cessitq. furentibus Annæ  
 Incestæ facibus , fax ipsa , plagæq. oriens lux  
 Occidux : Extinctum Oceano & quæ proxima Solem  
 Mergit Atlantæo , funesta incendia latè  
 Protulit : heu misera Ausonijs spectacula terris :

Equè suis falsum damnis tenebroſa nitorem  
 Excitat . Ah lacrymis noſtris modus ; ah modus ex te  
 Sit flammis miſeranda tuis ; Veſtigia retrò  
 Quin relegis ſeruata ? Quid ò , Romana moraris  
 Gaudia , Romanis olim vt mora longa maniplis ?  
 Quin noſtros iterum , atque iterum generoſa precaris  
 Amplexus ? dolor ah Matris , lacrymæq. Parentis .  
 Inſula bellipotens , quondam dilecta propago  
 Chriſtiferæ Sponſæ ; tu noſtri terminus Orbis ,  
 Tu decus Europæ , Solis tu ſola cubile :  
 Ne tenebris aſueſce ; tuus tibi limina PETRVS  
 Pandit adhuc ; Tantùm ò libeat tibi lumine PETRI  
 Perfundi , atque orare Ducem , veniamq. precari ,  
 Nec centum totos expleſſe erroribus annos  
 Iactatam pelago , tumidos contemnere fluctus  
 Cùm valeas . Age clarifonæ virtutis alumna ,  
 Prole virum ſœlix , melioribus vttere tandem  
 Conſilijs . Dudùm Henrici , dudùm eſſera Eliſæ  
 Orſa luis . Reſtincta ſatis ſit ſanguine tanto  
 Flamma ferox ; cinere ipſa tuo renouabere ; Tantùm  
 Pœniteat geſtorum , auidam emerſiſſe periclo .  
 Aſpice , neſcio quid ſoboles diuerſa ſerenum  
 Arridet , fors antiquas exoſa procellas ;  
 Mitius ingenium , mutata & Prolis origo  
 Omina finitimis portendit candida ab oris .  
 Sic noua Regali conſurgant germina virga :  
 Sic precor , illa manus , quæ clauum dirigit , Arctos  
 Romuleas ſeruet curſu , non æquore mergi  
 Arctos Oceani metuentes , clara ſed alto  
 Sydera in Oceano , & nigra fulgentia nocte .  
 Illa manus , ſacra cupide quæ poſcit ab Vrbe

*Nam Roma  
ab exteris, fa-  
pe Regie no-  
mine conqui-  
runtur tabu-  
la illustrium  
Pistorum, Sta-  
tua, & Menu-  
menta operis  
antiqui.*

Et tabulas operis mirandi, & signa laboris  
Insculpti; Simul ò, tabulas deposcat, ab vndis  
Naufraga quæ seruent populorum examina, veræ &  
Cordibus insculptos Matris conquirat amores;  
Diuini Simulacra Magistrum, & signa salutis.

Non tamen Hesperio Pietas, non anxia Gallo

Defuit. Ille diu titulos, & nomina PETRI

*Hispania Ro-  
gna, antiquâ  
ad Saracenos  
denoluerunt,  
à pijs Regibus  
Gothis B. PE-  
TRO donata  
sunt. Idem de  
suis Regnis  
Angli, Saxo-  
nes utrique,  
& alij multis  
transfugerunt.*

Inscripsit Regnis; Hic PETRI ad limina Reges  
Exhibuit. Comitatu ingenti CAROLVS ingens  
Ter, quater alnum assuevit iter. Vix culmine summo  
Prospexit sacrum longè extrâ mœnia Templum  
Reiecto pedes ibat equo. Vix Limina campo,  
Prospexit medio, deiecto cernuus ore  
Suspirat, flexòq; genu, procul ardua seruat  
Atria; Marmoreosq; vbi ventum, non pede pressos  
Ille audet temerare gradus; sed poplite calcat  
Alterno: Turba, & circum plaudente Quiritum,  
Limina qui Regno clarus subit, inde recedit  
Clarus & Imperio. Conuerso hinc cardine rerum,  
Hellepontiacas attollit Sequana Laurus;  
Hinc & Cæsareos fasces, Latiasq; secures,  
Indigenas meritò, generosi voce LEONIS,  
Esse iubet PETRVS nil tale vouentibus antehac  
Alpibus, Augustamq; Aquilam se iungere Gallo.  
Paupere sic PETRVS cultu progressus ad Vrbem,  
Dat Trabeas, adimitq; Eius Romana pendit

*Post Romani  
Imperij diui-  
sione diu insi-  
gnis extitis  
pietas, & cul-  
tus Orienta-  
lium Impera-  
torum erga  
Eodem Sancti*

Ales ab auspicijs, eius quæ Oriente sub ipso  
Fida diu implorauit opem, gratesq; rependit,  
Vngue domum referens victricia signa cruento.  
Ipse cathenatos Tunetani effringere postes  
Promeritus Nuper Regni, Laus Maxima gentis



CAROLVS Austriacæ; inde redux, Tibi, diue, Trophæum  
 Cœlipotens, vœstesq. sacrat, victasq. cathenas,  
 Regnorum & Clauēs; referas qui Clauibus astra.  
 Quid facti, infectiue argenti, auriq. talenta  
 Sacrantes Heroas, & eloquar Heroinas?

*PETRI; unde  
 inaugurantes  
 bella, & au-  
 sticati victo-  
 rias, edicta  
 veta, & mu-  
 nera persol-  
 uenda trans-  
 mittebant.*

Nec te prætereo, priscae noua gloria Mantus,  
 Italidum decus, haud titulis æquabilis vllis,  
 Inclyta MATHYLDE, pietate interrita, & armis.  
 Quæ nullo, nisi magnanimæ virtutis amore  
 Fœmineos incensa animos, nil anxia prolis,  
 Cœlibe sub vita: pariter Cœlestia facta  
 Mente agitas, implesq. opere; ac ditione profusa  
 Ingenti, Ausonijs gaudes tua nomina Fastis  
 Inscribi; & tantum agnoscens generosa Parentem,  
 (Proh decus emeritum!) Sancis Patrimonia PETRO.

Quid loquar ad Templum properantes agmine multo  
 Graiugenas dudum? Festa quid luce quotannis  
 Hanc varias cultu, varias & moribus Ædem  
 Complentes referam diuerso ex Orbe Cateruas?  
 Multum hæc Arctoïs, multum laus debita Eois,  
 Debita & Hesperijs. Nec verò has Aduena valuas  
 Aduentu primo suetus penetrare; sed ante  
 Vestibulum geminare preces; cum luce sequaci  
 Tempia ineunt. Hinc mos pergendi ad Lîmina dictus.  
 Famaq. vulgabat, per cœca silentia noctis  
 Cœlitibus Sanctum affusis rutilare Theatrum;  
 Fulgidaq. adsueta in longum ducere pompas  
 Agmina, tam spatio in medio, quàm Altaria circum.  
 Atque ea relligio sedis, probitasq. Colentum,  
 Vt solo famulantum Aedi surgentia iussu,  
 Languida se extulerint membra; Et nunc aurea sacro

*Fuit & illu-  
 stris Gracori  
 omnium pie-  
 tatis erga San-  
 ctissimos Ro-  
 ma Principes.*

*Honorificè est  
Regibus, ad-  
scribi Cano-  
nicum cœ-  
tui Basilica  
Vaticana.  
Inter quos po-  
stremi memo-  
rantur, Caro-  
lus V. Impe-  
rator, & ho-  
diernus Polo-  
nia, ac Suecia  
Rex Vladis-  
laus Sigismū-  
dus.*

Templa ministerio, si quando ad Romula Reges  
Mœnia deuenere, frequentant; Syrmate primùm  
Deposito, sumptaq. toga; tabulisq. reponi  
Nomina curantes, læti demum Vrbe recedunt.  
Verùm, atra sub nocte, subit quæ insensa tenebris  
Solis ad Occasum Æterni; Funalia latos  
Illustrant calles; tota hùc concurritur Vrbe;  
Seu toto cernas hùc veriùs Orbe ruentes  
Christicolas; & opem miseris poscentia rebus  
Agmina Funigerùm, & sua verbere membra domantum  
Sanguineo. Nota est pietas; sed noscere non est  
Ora, manusq. virùm, duris quæ noxia flagris  
Flagitia expendunt, gemituq. piacula poscunt.

*Tria hæc Di-  
uina Chari-  
tatis symbo-  
la, frequen-  
ti populo Batis  
diebus sapius  
ostenduntur.*

Se cuncti strauere: obtutus desuper almos  
CRVX reficit; veniæ optatam tum LANCEA venam  
Recludit; recreant dia sub imagine VVLTVS  
Vnigenæ: admiranda ipsi spectacula Cœlo.  
Hinc genibus sola trita olim, labijsq. petita  
Concurfu ingenti; hinc nudatis marmora plantis  
Ipsa videbantur caua, poplitibusq. piorum.  
Quàm meritò adiunxit PAVLVVS noua culmina Templo!  
Sic vetus VRBANO sub Principe gloria creuit,  
Dùm interiùs curatur opus. Laus summa, Sepulchri  
Luce Aedem decorasse; Ornatum prisca recentem  
Poscebant merita, interitus quæ nescia: Viuit  
Nàm Tumulo, ceu Templum anima: viget abdita centro  
Vis, molem intùs alens. Alij, ceu corpore vasto  
Curarint artus. Immensi corporis id cor.

Magne hominum custos, qui non molitus honores  
Ossibus occiduos, opera immortalia texis;  
Ecquid adhuc cineri æternùm mansura theatra,

Aeter-

Aeterna & fluxis statuis Tentoria terris ?  
 Hicne quies tam longa ? neque hac tellure putasti  
 HEROAS geminos supremum in lumen ituros ?  
 Quis labor , hos nunquam casuro ornasse Sacello ?  
 At video , quando his Superùm consortia inhærent  
 Sedibus ; instructaq. via hinc succeditur Astris :  
 Iure incorruptum Thalamum , & longæua quietis  
 Blandimenta paras ; plaudentes vocibus vltro ,  
 Plaudentes alis Vigiles ; vmbracula celfo  
 Pendula circuitu ; Atque suo munimine firmam  
 Stare iubes molem fœlicia claustra tuentem ,  
 Thesauros auidè seruantem , atque ossa fouentem  
 Frigida , reliquias dulces , dulcesq. Parentum  
 Amplectentem artus . Nil aere perennius : Ergò  
 Ænea compago surgit molimine ahenò ,  
 Nulla abolenda die . Sat fulmine tacta , superbos  
 Arguerit Turris sonitu confusa Gigantes ;  
 Hic se demisit Pietas ; Victoria maior  
 Emergit sursum . Natiuo hinc cespite surgunt  
 Frondentes Palmæ ; gradibus vicina petuntur  
 Sydera substructis ; hæc sunt contermina luci  
 Fulcra ; his Cœlicolæ affines ; hæc itur ad axem .

Intereà laudesq. canit renouata , tibiq.  
 Innumeras reddit grates tua Roma , nec vnquam  
 Reddiderit dignas , aut te laudarit abundè ,  
 Olli sit robur licet æneum , & ænea sit vox .  
 Nec sese agnoscit , tanto viget aucta nitore ,  
 Maiestate potens ; nec se vetus illa sibi ipsi  
 Iàm conferre audet ; sua nec miracula iactat ,  
 Parcior aut iactat , præfertq. recentia priscis .

Non tibi sat fuerant & propugnacula passim

*Qua afferuntur  
de Sūmo Pōt.  
VRBANO  
VIII., oculis  
exposita, nul-  
la egent ex-  
planatione.*

Per terras, passim mediam constructa per Urbem;  
Et validis instructa armis ingentia Septa  
Præsidium in nostrum, numerosi & roboris arcem,  
Prodeat vndè ferox subito Mars Milite fretus.  
Non detracta solo, quæ quondam Consule Marco  
Ærea porticibus pendebant Tigna, sine vsu  
Lurida post, & sæda situ, cessuraq. riuus  
Fusilibus murale in opus; reboantia tandem  
Cum tonitru tormenta, & mœnibus apta tuendis.  
Quippe vomunt flammæ, & belli fulmina, nunquam  
Ictibus ambiguis; vincendiq. imprimit omen  
Hinc VRBANVS, & inde suis Agrippa metallis.  
Non satis, hæc inter tutamina, milite denso  
Infedisse diu fines, Oleamq. cupitam  
Excepisse armis; Duplicis non Pallados artes  
Et gestare sinu, & tractare vtrinque paratas.  
Quamquam ea mens sola est, populorum pace in edelam  
Applicuisse malis, quæ non mucrone residunt  
Vulnifico; NAMque est firmum Concordia vallum,  
REGna virent Olea, PAX murus abeneus ipsa est.  
Non satis & curata Salus, depulsaq. longè  
Dira fames, & sæua Lues; Ni, longa tumultus  
Finitimos inter cùm feceris ocia nobis;  
Verteris in pluuiam cùm fulgura; Monte Quirini  
Regales cultus instruxeris, & noua CAIO  
Thura tua fument dextra, noua Pallantæo  
Thura SEBASTIADÆ, atq. Ædes tota Vrbe frequentes;  
ASTRÆAM Cælo reuocaueris; obside vt illa,  
Iamdudum resides teneat rubigo Secures;  
Nulla intrâ muros grassetur, nullaq. circum  
Sæuities, siue vnca manus, seu lethifer ensis:

(Quod

(Quod sæclum decet VRBANVM, sæclum decet aureum,  
 Mellifluis animatum Apibus); Postquàm agmine pleno  
 Cycnos excieris Tiberinæ in margine ripæ,  
 Castalidasq. tuam Musas traduxeris Urbem,  
 Et septem in iuga des bifidum consurgere Pindum;  
 Per te læta suo Polycleto Roma, recentes  
 Aspiceret vultus, è duro marmore ductos  
 Molliter, ora virum viuos spirantia mores.  
 Et studia hæc almæ tandem inter mitia Pacis,  
 Cerneret ardentes Cœlestum ex ære Corynthy  
 Conflatas species, & dulce loquacia Signa;  
 Augustum & Thalamum, positasq. iubente Columnas  
 Alcide meliore; vllis quas ausibus VLTRA  
 NON LICET humanos aditum sperare labores.

*Quàm enim  
 Artifici nō pe-  
 regrinum est  
 opus marmo-  
 reum, tam in  
 suo opere pe-  
 grinus est  
 Artifex.*

Magne Pater: verso nisi per te cardine Cælum  
 Clausum olim, referet fidæ sua Limina genti;  
 Ni bifores PETRVS det Ianitor esse patentes:  
 Se rutila & PAVLO referarint ostia iamtùm,  
 Cùm potuit tantam ire viam vel stratus: & Astra  
 Infiluit, deiectus equo; cùm calcibus actis  
 Nequidquam in stimulum, tamen errabunda fidelem  
 Nosse dedit cæcus cæca haud vestigia metam;  
 Credo equidem, æratos Cæli se inflectere postes;  
 (Pulsa vt murali quondam trabe mœnia cedunt)  
 Aerea tam solidæ pietatis machina cogat,  
 Nec sese his gradibus disiungere possit Olympus.

Maxime Pontificum, quem desudata Myroni  
 Aera decent, pariterq. decent sudata Maroni  
 Carmina; Quandoquidem non est qui carmine digno  
 Concelebret tua facta; operi nunc adijce tanto  
 Vnum opus: Ingredere, & tute cane; namq. metallâ

Te

Te fluxere iubente ; fluent nunc mella canente .

Te Patrem fecit Patriæ tutela , Salusq.

Publica ; Te cultusq. noui , & mitissima iura

Augustum fecere ; facit te Musa Maronem .

Si grauibz potuit curis miscere Camoenas  
 Melle fluens LEO, si DAMASVS ; quod sacra subipsa hac  
 Marmora testantur Latebra ; Quid muta cientem ,  
 Ora Senem ? Quid fatidici modulamina Regis ,  
 Quid Moyſis referam ? Socians cum Timpana cantu ,  
 Agmine victrici innocuum circumstetit æquor ?  
 Et tibi sunt Cytharæ dudum , tibi plectræ, fidesq.  
 Desuper . Ipse adytis Sophiæ , Plataniq. sub vmbra  
 Sedit Graios inter ; Tibi culta Lycei  
 Atria ; cum rorem interea depasta rosetis  
 Terna Apis Actæis , aluearia nectaris almi  
 Conderet ore tuo ; atque suam Facundia sedem  
 Sisteret ore tuo , fundens gentilia mella .

At tu nectareo Dircen, montesq. pererrans  
 Aonas eloquio , facilis supera ardua cantu  
 Scandis , Stellatamq. Lyræ fortitus , eburno  
 Fila moues plectræ , & rutilum transcendis Olorem ,  
 Admiranda sonans . An non properasse videntur  
 Cœlicolæ in tua dicta ? An non Proceresq. , Ducesq.  
 Isacidum de gente ? Tuo nunc personat ore  
 Et Moyſes , & quem memorauī , Regius Heros ;  
 Nunc VATES, REGESQ. alij ; & quod culmen honorum,  
 REGINAM Superum ipse tua das voce canentem  
 Audiri , Galilæa super montana beatas  
 Permulcentem auras , Anima dum feruida tota  
 Sternit sese humilem in grates , & laudibus effert  
 MAGNIFICIS Dominum , Dominæ qui se abdidit aluo .

Aluo



Aluo Virginea Genitricis , cuius adornat  
 Luna pedes , cuius Cœlum vestigia adorat ;  
 Claret inaccessso famuli quæ Solis amictu ;  
 Quam lecto fulgore Alstra & duodena coronant .  
 Nàm si Sol vestit , quidni socia Alstra coronent ?

HÆC mihi sit fandi finis , quæ est vna bonorum  
 Terminus omnigenum ; HÆC finis , quæ sola Salutis  
 Principium ; quæ Fons Charitum , Virtutis Origo ,  
 ARA animata DEI . Iàm nunc procumbere ad Aram  
 Mens arder , tacitæq. offerre silentia Musæ ,  
 Et tacitos ignes , incensi & cordis amores .  
 Hic prece flammata , hic animis , hic mente litandum .  
 Interea cursu innocuo velit , & pede certo  
 HÆC eadem , te magnanimum vestigia Patrum  
 Tantorum intemerata sequi ; det sydere amico  
 Expleuisse eadem longos fœliciter annos :  
 Pandat & emerito alstra tibi ; qui more Parentum  
 Amborum , Præses Terrarum , & Clauiger vnâ es ,  
 Et Cœli Tubicen ; Qui tandem Maximus ille  
 Vnus es , haudquaquam cunctatus , at impiger in rem ,  
 ARA his Principibus quo Principe MAXIMA surgit .

*Quidni coro-  
 nant sydera .  
 quam Sol ve-  
 stit ?*

*S. Bernard.  
 Sermon. super  
 c. 12. Apoc.*



## De eadem A R A.

**H**ic fulgent Superi, hinc Coelestem tangimus ARAM,  
 Astrorum Octauo fluxile ab Orbe decus.  
 Laus, VRBANE, tua est. Fuluis solidata metallis  
 Hic radiat, Coelo quæ modò sydus erat.  
 Quis non hanc Cælum meritò vulgauerit Ædem,  
 Quandoquidem Cœli huc portio tanta fuit?

De Naui Piscatoria B. PETRI in summo  
 Templi pariete collocata.

*DVC IN ALTVM. LVCAE Cap. 5.*

**O** Nauis iactata vndis, sed nescia mergi;  
 Non te sublimem naufragus error agit.  
 Fluctibus haud summis pendes elata; supernè  
 Non quæ circumstant flamina, te abripiunt.  
 Nec iam tu scopulos metuis, quam durior omni  
 PETRA animat scopulo, certaq. librat iter.  
 Sed mare despiciens, Coeloq. euecta: quod Argo  
 Ficta refert, vero Sydus honore micat.  
 Ima aliæ sulcent, pauidæ discriminis. hoc tu  
 Secura es pelagi, quò magis alta petis.

## Ad eamdem.

**Q**ui Clauum regit VRBANVS, te ducit in altum;  
 Altius & te, quàm tollere ad astra, nequit.  
 Ergo tuum posthac aliena haud sydera cursum  
 Fida regent; alijs tu modò sydus eris.

Ad

A D

IOANNEM LAVRENTIVM

BERNINVM.

Q V I

V R B A N I V I I I .

P O N T . M A X .

Vultum, Vim, Maieſtatem, miro artificio  
è marmore expreſſit.

**S**culptor quid hoc? VRBANVS anne Pontifex  
Oſtaus? anne Oſtauum erit miraculum?  
Vtrumq̃. cerno. Marmor animatum vices  
Refert beatas Principis, vices refert  
Qui Chriſtiformes. Duplici oſtendum nota  
Anceps, verendum, viuudum, arcanum patet.  
Septena cedant. Orbis Vrbem maximam  
Miraculorum maximum Romam decet.

Eiuſdem Eximij Principis eximium  
Simulacrum.

**Q**Vid valeat, ſummo Natura in Principe pandit;  
Quidq̃. Ars, inſculpto Principis ore, docet.  
Illa virum fingens, Simulacrum expreſſit Honoris:  
Viua viri ſimul hæc & ſimulacra refert.  
Ille DEI, hoc opus Artificis. Nos tu, optime Princeps,  
Dicto animare potes, hic te animare manu.

E j

AD

## A D R O M A M

## De eodem.

**S**eu memoras Patres, Patrum seu Signa recenses,  
 Hunc modò Patrem effer, hæc modò signa refer.  
 Ingentes animos, ora & spirantia cerne,  
 Grande sub augusto & vertice consilium.  
 Marmoreum haud signum, sed dices, Roma, Parentem,  
 Nouerit & qui te reddere marmoream.

## De Statua, &amp; eius Inspectore.

**S**pectanti insinuat se se lapis; inscius vltro  
 Spectator totum se lapidi insinuat.  
 Inde trahunt homines, durum genus, vnde rigeſcant;  
 Inde vnam è multis contrahit ille animam.  
 Quid me spectantem mirum est lapideſcere? Quid, quòd  
 Inspectus se se molliat ipſe lapis?

## Breuiùs dictum.

**V**luidus est hospes, rigidus lapis. Arte magistra,  
 Hinc lapis, inde hospes, hic viget ille rigeſt.

Quoniam lapideſcere ipſa nequit Vrbanitas:  
 induat Lapis vrbانيتatem.

**V**rbانيتatem facere marmoream, diu  
 Dùm ſcitus ardet Artifex: hæret, manum  
 Labore fallit irritò inceptus labor.  
 Nàm quò rigeſcat illa? Age, inſit Artifex,  
 Lapidea nunquam Vrbanitas fiet; vices  
 Vertantur ergò; fiat vrbanus Lapis.

A D

FRANCISCVM CARDINALEM  
BARBERINVM,

*Cuius providentia, in funestissima Italia Lue, sospes Rom. ditio  
mira felicitàate vsa est. Eius ipsius Imaginis donum.*

**D**ebemur tibi nos, vitæ quos munere seruas;  
Queis per te Italico in funere parta salus.  
Munera debentur tibi nostra; ipsum accipe nunc te;  
Maxima te Herois maximi imago decet.  
Nàm quid te maius, Virtus quem, & Gloria tollunt,  
Et sobolem agnoscunt, effigiemq. sui?  
Sacra tui effigies nostro hæret pectore, Princeps;  
Hæreat illa tua munus habenda manu.

A D

ANTONIUM CARDINALEM  
BARBERINVM,

*CVM VRBINVM PROFICISCERETVR.*

**O** Ingens animis, agitas qui grandia: seu te  
Ausonia fines, seu tua Roma tenet.  
Auspicijs pacata tuis viget Itala Tellus,  
Permulent rigidos dum tua Mella Duces.  
Ponè sequax tibi Fama, comes Sors, præuia Virtus;  
Perge, tibi Quercus quà noua mella fluunt.  
FRANCISCO sub fratre abeunt dira omnia; Per vos  
Redditur ingenijs gloria, cultus agris.  
Fortunati ambo; Fortunatissimus at qui  
Alciden geminum Cœlifer vrget ATLAS.

E ij

AD

## V R B A N V M V I I I .

P O N T . M A X .

**M** Elleus eloquio Nestor sua fata moratur ,  
 Cui ternum in sæclum longa senecta fuit .  
 Melle fluis Princeps : Apis vni Terna laborat .  
 Quælibet , ò , sæclum sic tibi pandat Apis .

De eiusdem Poematibus , dono ad  
 se missis .

**V** RBANI Pincerna Iouis dat munus . haberi  
 Vnde istuc potuit tam benè ? nectar erat .

A D E V M D E M P O N T . M A X .

Latinè , Græcè , Hetruscè , pari cùm  
 gloria scribentem .

**O** Mnes ingenio mortales Optimus anteis ,  
 Maximus vt præstas omnibus imperio .  
 Das , sceptro , & calamo insurgens , oracula chartis ,  
 Iura Orbi , humano & maior , vtrinq. nites .  
 Quin fuit è calamo triplex facundia : vt ora  
 Terna insignit Apis , tempora ternus Apex .

P L A N E





LANE sic res est, B. P. (à Te enim principium; tibi desinit.) Te Principum maximum, Principem litteratorum habemus. Vt summus non esses hominum Princeps, dignus eras litterarum principatu. Nunc, Orbem Christianum moderaris imperio, mor-

talium mentes instruis ingenio. Eosdem mortales secundo Apum melle imbuis ad sapientiam, Sapientiae Sole excitas ad iustitiam. Nos gregem tuum, Optimus Pastor, non minus calami, quam sceptri virga, dirigis ad virtutem. Quid amplius optaremus? monita ad bene viuendum? ius est in nos tuum. Monimenta ad imitandum? tu exemplar es nostrum. Duplici oraculo nobis gerenda praescribis. De Quercu Iouem, de Luru Apollinem sonas. inde sagittas ostendis, hinc praebes Lyram. Nam de duplici in te Minerua fileo: vel, arma differens, tantummodò in olea sum: quae tua est omnis, nec nisi mellita. Ad summum apicem dignitatum haec fit in te accessio, omnium fastigium disciplinarum. Vt superni, inferiq. dominatus sphaera in te cumprimis recurrit vno: sic diuinorum, humanorumq. arcanorum Cyclus, coronamentum est modò tuum, tibi vni in se redit. Hae duae sphaerae compactiles, se inuicem interfecant; & in gemino potestatis, ac scientiae polo coeuntes, Orbem constituunt, sub cuius sydere Urbana lux, nostra felicitas coalescit. An non solius est tui, palmarum omnium singularis, & vniuersa complexio? Nisi nos tua perstringat maiestas regnantis, non est, quem potius Oedipum in studiorum ambagibus consulamus. Ad te vnum priuatim confugiendum erat, nisi omnes ad Te Principem publicè confugeremus: Et qui

nuru

nutu prospicis omnibus, singulis eras prospecturus elo-  
 quio. Hic me ipse reprehendo: quasi non singulis abundè  
 prospicias vel exemplo. Sed tamen tua ista celsitas, quæ  
 magno est litteris compendio splendoris, & lucri, non-  
 nulli est litteratis intertrimento. Ecceui monitori, ac lu-  
 dici vtilius, quàm tibi, sisteret vnusquisque labores suos?  
 quò frequentius sua scripta deferret, vnde salubriùs refer-  
 ret? Fores tuæ, vndantes cohortibus stipatorum, stipandæ  
 pariter fuerant turba doctorum. Obsequium tibi præsti-  
 tum ab Vrbiū proceribus, præstandum omni ratione  
 fuerat à progeribus litterarum. Et tu quidem vtroque  
 emines; nos alterutro subsidio caremus, quibus te in no-  
 strum rudimentum, ac disciplinam, è re confertim, ac iu-  
 giter conuenire non licet. Licet sanè per te, per tua nego-  
 cia non item; vtq. liceat omninò plurimum, ex nostra  
 necessitate parum est. Osculamur interim pedes, manum  
 suspicimus; Manum, quæ clarescit scriptione sua, vtinam  
 iuaret æquè censura nostra. manum (inquam) cui Cœ-  
 lum aperienti, minimum est, Heliconem aperire, ac Ly-  
 ceum. Cæterum te, quem Principatus moles, an culmen,  
 reddit inaccessum, tua tamen humanitas facit expositum.  
 Non facilè Princeps sæpe conuenitur, sed facilè conue-  
 nitur Vrbanus. Vtcunq. tandem eueniat: in quo cura om-  
 nium residet nunquam deses, conueniendi iactura regi-  
 mine compensatur: compensatur adhuc, vt memorauī,  
 monumentorum exemplo. Enimuerò, te nobilioribus  
 quibusque linguis, & soluta, & vincta oratione magnifi-  
 cè personantem audimus. Te multiplici Phylologiæ suf-  
 fragio inter sapientissimos renunciatum videmus. Ipsum  
 te iuris arcam, quem eruditionis arcanum: Eundem sa-  
 crarum litterarum thesaurum, quem sacri thesauri custo-  
 dem,

dem, suspicimus. Nullus est laudum titulus, quo vel præcipuè non tu lauderis. Maximus sanè vir, vel si tantus non esses Pontifex. Qui verò cultus in moribus? quæ in Templi cultu munditia? qui delectus meliorum? quæ in gubernando iustitia? quæ in iustitia mansuetudo? quæ publicæ libertatis assertio? Quæ in rebus Vrbicis magnificèntia, quæ prouidentia in externis? Audiant te Principes, in publicum coibunt: adeant priuati, ipsam adeunt vrbanitatem. Natura ità fert, vt quæ res octauum in aliqua vlla specie pertingit gradum, in eandem omninò desinat. Te, qui gradum impleas vrbanitatis octauum, quis ipsam esse neget Vrbanitatem? Hæc eadem intenditur ad propinquos; planeq. illam sortiuntur, qui tuum sanguinem sunt sortiti. Proh quales alumnos nutris ad gloriam! Auguste optime, sacer Atlas, quot munimentis insistis, quot tibi subduntur Hercules! Si relatus est Chyron inter sydera ob vnum Achillem, quænam gloriæ lux, ob tam multiplicem institutionem, tam Reip. salutarem, infra tuum non est meritum? Tu verò Christiani Orbis Sol, nullam relinquis partem, quam non peruadas lumine radiorum. Quoquò permeas, vbiq. consultum vis; omnibus vitalis, nec minus in omnibus, quàm super omnes. Et quid mirum, esse illum omnibus omnia de beneficentiæ Cælo, qui est quasi Christus in Terris? Verè ergò Beatissime, & verè Pater, qui singulos fouendo beare potes; quod ego tuarum virtutum Simulacrum, marmoreo illo, ac tam laudato præstantius, animo insculptum gero, id ex animi immortalitate, non nisi immortale statuo. Proindè silentem me, plures vel è Procerum numero, non ità pridem arguebant inurbanitatis, ergà Vrbanissimum Principem, me ad prouocandum sese, vulgatis benignitatis indicijs prouocantem. Cur enim

enim decennali silentio vterer ? Cur laudes differrem ,  
 quas initio inchoassem ? Cur non accederem rogaturus ?  
 Hic ego , me satis superq. obstrictum profiteri ; Et si qua  
 cuiusquam animo beneficia exciderent , indignum appel-  
 lare eum , in quem recideret beneficium . Illi contrà , sum-  
 mæ potentiaæ parem adiungi munificentiam ; Deiq. susti-  
 nentem vices , nulla potius laude , quàm laude humanita-  
 tis , ad Diuinitatem accedere . Ego verò id vnum referre .  
 Magnanimum Parentem , qui se rogari tam humaniter  
 vult , id agere , vt rogari non debeat . His interuenit tua ,  
 Beatissime Pater , liberalitas ; illorumque , ac meam cau-  
 sam , hinc inde bonam ex se , vtrinque meliorem effecit .  
 Sed vt omnia certent , tuæ solius est beneficentiæ victoria .  
 Cui dùm adstrictissimum me sentio , grates debeo , solu-  
 endo non sum . Parte ex altera ad laudes allicior , illarum ma-  
 gnitudine absterreor . Sed tamen , dùm laudationem mo-  
 lior , dùm tua curo vt beneficia sustineam , est quòd gratu-  
 ler exiguitati meæ , quòd tu me exilem , extrare Simula-  
 crum velis magnanimitatis tuæ . Te verò , qui in tuis es  
 virtutibus immortalis , immortalem esse contendam in  
 meis beneficijs . Deumq. interim tuam sospitatem rogans ,  
 supremo id voto contendam , vt voti huius diutissimè  
 compos efficiar .

**Laus Deo , & Beatissimæ Virgini .**

